

Il mas-chalch da Sent



Publicaziuns officialas. Cumpara seguond bsögn.

2006/2008

no. 56

7554 Sent, 24 lügl 2008 / mw

Publicaziun da fabrica

Reguarda: Mür e fanestra nouva, Ufficina, parc. no. 515

Patrun da fabrica: Vital Ernest, Archas Sura 205A, 7554 Sent

Profilà: --

Publicaziun: 24.07.2008

Termin da protesta: 13.08.2008

Publicaziun da fabrica

Reguarda: Fouras geotermicas, Plaz, parc. no. 480 / 268

Patrun da fabrica: Sonderegger-Valentin Anna, Center la Cauma, 7031 Laax

Profilà: --

Publicaziun: 24.07.2008

Termin da protesta: 13.08.2008

Publicaziun da fabrica BAB

Reguarda: Reconstrucziun davo devastaziun, Sömmi Bar, parc. no. 1291

Patrun da fabrica: Taverna Armon, Tanter Vias 572, 7554 Sent

Profilà: --

Publicaziun: 24.07.2008

Termin da protesta: 13.08.2008

Publicaziun da fabrica BAB

Reguarda: Ingrondimaint chamonna, La Part, parc. no. 1322

Patrun da fabrica: Mosca Jachen, Curtin Sura 174, 7554 Sent

Profilà: --

Publicaziun: 24.07.2008

Termin da protesta: 13.08.2008

Edizium: Tuot ils plans sun exposts in büro cumünal.

Recuors: Protestas da dret public sun d'inoltrar infra 20 dis in scrit, a partir da la data da publicaziun, al Cussagl cumünal.

In nom da la cumischiun da fabrica

Avis a regard proget sauaziun Sent

Daspö il principi lügl eschna landervia a piquettar oura l'andamaint da las lingias per la seguond'etappa. No giavüschain a tuot ils paurs, da far il bain e tour resguard süls piquets chi sun gnüts, e vegnan prossmamaing miss süllas differentas parcellas dal perimeter da sauaziun. Grazcha per Voss'incletta!

**KINDSCHI
indschegners e geometers
Scuol e Ftan**

Avis: Via chantunala Sent-Scuol

Causa ün transport plü greiv il parkin, resta la via chantunala da Sent-Scuol serrada als 5 avuost 2008 da las 14.00h – 17.00h. Il trafic vain signalisà sur Crusch.

Nus giavüschain da tour a cogniziun da quist avis.

Pulizia cumünala Sent

Tscherchè da tour a fit a Sent

Abitaziun, da 3 ½ stanzas, a lunga dürada, a partir da subit o tenor cunvegna.

Nus ans s'allegrain sün Vossas annunzchas, suot il nommer da telefon 081 864 03 57

Duonna Edith e Pascal Schmid, Bügliet 92, 7554 Sent.

Edith Schmid

Avis – Leger giò l'ura da l'aua

Per simplifichar la lavur da leger giò l'ura da l'aua, dà il Cumün a mincha possessur da chasa la pussibilità da leger giò svesa l'ura da l'aua e d'indichar il stadi actual al büro cumünal fin il plü tard ils **10 avuost 2008**. Il Cumün as resalva il dret da far controllas da las indicaziuns.

-----**Tagliar**

Indicaziun – ura da l'aua 2008

Stadi da l'ura da l'aua: als

Chasa no. Possessur:

Quist fögl po gnir büttà aint illa chartera dal Cumün pro l'entrada da la chasa cumünala fin als **10 avuost 2008**.

La schefa d'aua e chanelisaziun

Sturnels

L'inscunter da quist on ha lö sonda, als 2 d'avuost a las 16.00. Il lö d'inscunter es aintasom cumün, ingio cha las vias as spartan. Davo üna cuorta visita a la chasa Schnetzler/Piguet (Vacanzas survagliadas per persunas impedidas), ans dedichaina a l'agricultura da muntogna a Sent.

No invidain amiaivelmaing a Sturnels e giasts.

Jürg Buchli

Unser diesjähriges Treffen findet am Samstag, 2. August, 16 Uhr statt. Treffpunkt ist hinten im Dorf bei der Wegverzweigung (Friedhof/Val Sinestra/Via Sura). Nach einem kurzen Besuch im Haus Schnetzler/Piguet (Haus für betreute Ferien für Menschen mit einer Behinderung), widmen wir uns dem Thema Berglandwirtschaft in Sent.

Freundlich laden wir Sturnels und Gäste ein.

Jürg Buchli



**«Il prüm vain l'uman,
lura seis böts e lura nossa
cussagliaziun!»**

Martina Zanetti, cussgliadra da cliaints
M 079 609 35 55

Tuot simpel. Dumondai a nus.

**Sgüranzas Helvetia
Agentura Sent**

Palüzot 536, 7554 Sent
T 081 860 01 66, www.helvetia.ch

helvetia 

PROGRAM DALS 1. AVUOST 2008

16.00	Plaz	Cumanzamaint da la festa L'ustaria cun mangiativas e bavrondas vain manada dals tregants.
16.00	Plaz	Trategnimaint culla chapella „Vreni & Hampi“ per far ün'o tschella trais-cha
20.15	Plaz	Concert da la Società da musica Sent
21.00 - 21.15		Sunasoncha
21.00	Tiral	Fö dals 1. avuost
21.15	Plaz	1. Pled festal cun sar Jon Pult, (Cusglieir cumünal da la cità da Cuaira) 2. Psalm svizzer Bal fin a las 02.00

Id es proibì dad impizzar sülla piazza festala ed in tuot il cumün da tuottas sorts fös artificialis ed ogets explosivs. I vain multà fin fr. 500.-- o cun arrest fin ot dis, tenor l'appel da nossa Regenza. Tenor decisiun dal Cussagl cumünal sun ils pumpiers autorisats cun las controllas da las prescripziuns manzunadas. In Tiral vain impizzà ün fö dals 1. avuost.

Avis > fös dals 1. avuost

Sco minch'on e tenor tradiziun ardaran eir quist on in occasiun da la festa dals 1. avuost divers fös sün nossas otezzas. Quai es fich allegraivel e fa dalet ad indigens ed a noss giasts. Ils fös nu daschan però insuos-chir nos ambiaint, uschigliö cuntrafana al sen da l'üsanza.

As basond sülla ledscha chantunala pretenda il Cussagl cumünal da preparar ils fös be cun laina adattada, q.v.d. laina püra, **na trattada chemicamaing, cun culurs, cun vernischs "Lack", pneus e.o.p.**

Il Cumün prepara il fö dals 1. avuost our in Tiral. Id es admiss da depositar là be laina **na trattada cun chemicalias, cun culurs, cun vernischs „Lack“, pneus e.o.p.**, be davo avair contactà cul silvicultur Mario Riatsch e cun sar Not Pua, fittadin da la parcella e **be davo ils 25 lügl!** La barriera vain dividida dal Cumün als 25 lügl 2008 e resta averta fin als 1. avuost 2008.

I vegnan fattas controllas tras ils pumpiers (Pisoc). Tenor decisiun dal Cussagl cumünal sun ils pumpiers autorisats cun las controllas da las prescripziuns chantunalas.

Eventuals surpassamaints da quist avis e da las prescripziuns chantunalas vegnan chastiats cun multa o arrest.

Il Cussagl cumünal

1. AUGUSTFEIER 2008

16.00	Plaz	Beginn des 1. August-Festes. Die Wirtschaft wird vom Schützenverein geführt.
16.00	Plaz	Die Tanzkapelle „Vreni & Hampi“ spielt auf
20.15	Plaz	Konzert der Musikgesellschaft von Sent
21.00 - 21.15		Kirchengeläute
21.00	Tiral	1. August-Feuer , verschiedene Höhenfeuer
21.15	Plaz	1. Festansprache mit Herrn Jon Pult, (Gemeinderat der Stadt Chur)
		2. Offizieller Abschluss des Festaktes mit dem Schweizerpsalm
		Tanz bis um 02.00 Uhr

Das Abbrennen von jeglichem Feuerwerk im Dorf und auf dem Festplatz ist laut Aufruf der Regierung verboten und wird mit Busse bis Fr. 500.-- oder Haft bis zu acht Tagen bestraft. Gemäss Beschluss des Gemeinderates sind die Angehörigen des Feuerwehrcorps für die Überwachung obiger Vorschriften bevollmächtigt. In Tiral wird ein 1. August-Feuer angezündet.

Der Gemeinderat